



KPM.600-12/1/4 Jld. ()
9 November 2020

Chen Lin Loong

Sin Chew Media Corporation Berhad
19, Jalan Semangat
46200 Petaling Jaya
Selangor Darul Ehsan.

Tuan,

PERMOHONAN KEBENARAN PELIBATAN MURID KPM BAGI PROGRAM PERTANDINGAN *SIN CHEW'S SAFE SCHOOL FOR KIDS* DI SEKOLAH-SEKOLAH JENIS KEBANGSAAN CINA (SJKC) DAN SEKOLAH-SEKOLAH MENENGAH DI MALAYSIA DALAM TEMPOH PASCA PERINTAH KAWALAN PERGERAKAN PEMULIHAN (PKPP)

Dengan segala hormatnya saya ingin merujuk kepada perkara di atas dan surat daripada pihak tuan bertarikh 30 Oktober 2020 adalah berkaitan.

2. Sukacita dimaklumkan bahawa Kementerian Pendidikan Malaysia (KPM) telah menerima dan meneliti permohonan penganjuran program di atas daripada pihak tuan. Pihak KPM sentiasa mengalu-alukan kerjasama dengan agensi kerajaan dan agensi bukan kerajaan dalam pembangunan kokurikulum di negara ini.

3. Walau bagaimanapun, berikutan kesan penularan jangkitan *Novel Coronavirus* (COVID-19) yang melanda seluruh dunia, penjarakan fizikal merupakan salah satu prosedur yang perlu dipatuhi dalam normal baharu. Ini menyebabkan banyak program khususnya aktiviti kokurikulum tidak dapat dilaksanakan seperti kebiasaan.

4. Sehubungan dengan itu, pihak KPM mengambil maklum akan permohonan pihak tuan serta **tiada halangan** bagi murid menyertai Pertandingan *Sin Chew's Safe School For Kids* untuk semua Sekolah Jenis Kebangsaan Cina (SJKC) dan sekolah-sekolah menengah secara dalam talian yang akan diadakan pada bulan Mac 2021 hingga Oktober 2021, selaras Surat Pekeliling Ikhtisas KPM Bil.8/1995, Bil.7/1988, Bil.8/2009, Bil.5/2018 dan Surat Siaran Pengurusan Kokurikulum Bil.2/2010. Walau bagaimanapun, selaras dengan *Standard Operating Prosedure* (SOP) Pembukaan Sektor Sukan dan Rekreasi yang dikeluarkan oleh Kementerian Belia dan Sukan (KBS), Majlis Keselamatan Negara (MKN), Kementerian Kesihatan Malaysia (KKM) dan **Garis Panduan Pelaksanaan Sukan dan Kokurikulum**, KPM berkaitan langkah pencegahan penularan jangkitan COVID-19, pihak tuan dimohon untuk memastikan perkara-perkara berikut dipatuhi:

...2/-

- 4.1 Pihak penganjur hendaklah mendapatkan kebenaran secara bertulis daripada pihak Jabatan Pendidikan Negeri (JPN), Pejabat Pendidikan Daerah (PPD) serta sekolah yang berkenaan;
- 4.2 Semua murid terlibat hendaklah mendapat kebenaran dan persetujuan daripada guru besar/pengetua sekolah yang terlibat bagi menyertai program ini;
- 4.3 Penyertaan murid hendaklah secara sukarela dan mendapat kebenaran bertulis daripada ibu bapa/penjaga;
- 4.4 Pihak penganjur adalah bertanggungjawab untuk mendapatkan kelulusan penganjuran program daripada pihak-pihak berkaitan;
- 4.5 Surat kebenaran/kelulusan ini tidak boleh diguna pakai bagi maksud untuk mendapatkan sumbangan serta tajaan daripada mana-mana pihak berkenaan;
- 4.6 Penyertaan murid **tidak mengganggu atau menjejaskan** waktu pengajaran dan pembelajaran (PdP);
- 4.7 Pihak penganjur hendaklah memberikan maklumat program kepada pihak sekolah supaya boleh dimaklumkan kepada murid yang terlibat;
- 4.8 Selaras dengan pelaksanaan Pendidikan Sivik yang sedang berkuat kuasa di semua sekolah rendah dan menengah di bawah KPM, pihak penganjur dimohon agar memastikan kesedaran sivik dan amalan nilai murni dapat dijadikan sebagai salah satu perkara yang wajib dilaksanakan sebelum/semasa/selepas program berlangsung seperti gotong-royong membersihkan kawasan (sekiranya program dilaksanakan secara bersemuka);

- 4.9 Tiada implikasi kewangan kepada Kementerian Pendidikan Malaysia, Jabatan Pendidikan Negeri, Pejabat Pendidikan Daerah serta sekolah yang terlibat;
- 4.10 Pihak penganjur dimohon mengemukakan **satu salinan laporan program yang dijalankan (format seperti di Lampiran A)** kepada Bahagian Sukan, Kokurikulum dan Kesenian, KPM dalam tempoh 30 hari selepas tamat program bagi tujuan pengiktirafan program dan pemarkahan kokurikulum; dan
- 4.11 KPM berhak menarik balik surat kelulusan/kebenaran sekiranya pihak penganjur gagal mematuhi syarat dan peraturan yang ditetapkan atau bercanggah dengan dasar sedia ada yang sedang berkuat kuasa.

5. Surat kebenaran ini **hanya** untuk Sin Chew Daily yang akan menjalankan program Pertandingan *Sin Chew's Safe School For Kids* untuk semua Sekolah Jenis Kebangsaan Cina (SJKC) dan sekolah-sekolah menengah secara dalam talian yang akan diadakan pada **bulan Mac 2021 hingga Oktober 2021 sahaja**. Sebarang kebenaran program baharu hendaklah dikemukakan kepada pihak Bahagian Sukan, Kokurikulum dan Kesenian, KPM.

6. Sebarang pertanyaan berhubung perkara ini, pihak tuan boleh menghubungi Encik Mohamad Razfi bin Abdul Rahim di talian 03-88841017 atau e-mel mohamad.razfi@moe.gov.my.

Sekian, terima kasih.

“BERKHIDMAT UNTUK NEGARA”

Saya yang menjalankan amanah,


(ZAINAL BIN ABAS)

Pengarah

Bahagian Sukan, Kokurikulum dan Kesenian
Kementerian Pendidikan Malaysia

MR/mr

- sk: 1. Pengarah Jabatan Pendidikan Negeri
2. Ketua Penolong Pengarah Sektor Pembangunan Murid JPN

